

Zunnecremekussies

Dit gevuul heb ik zo slim mist
daj' vergeten wat veur dag et is
Alles wat telt is de zee, de zonne en jow

Jow liggen in 't zaand en soezen even
de stress is deur de waarme wiend uut jow dreven
ie liggen daar languut en ik kieke naor jow

Wolkenloze locht, zonne kuj' wel bruken
De sprong in 't koolde waeter, in de braanding duken
Een dromerige blik, kilometers wied
dit is oonze tied

Zunnecremekussies
Zaand op jow heufd
Et zoolt van de zee op jow huid
Jow zunnecremekussies smaeken naor meer,
geef mi'j gauw nog mar zoen tuut
Jow zunnecremekussies
Jow zunnecremekussies

Jow bikini hej' inkeld veur de helte an
Ik perbeer te lezen, mar daar komt niks van
Ik kiek even naor jow, bin volledig verleuren

Een briezien bloast, geft jow kiepevel, hiel even
Jow maarken niks, of willen d'r niks om geven
Now blaost hi'j weer, brengt mien neuze jow zute geuren

En et zaandkestiel deur oons beide maekt
het de vloed al raekt, et wodt ok al laet'
Et pattien naor de dunen is niet al te wied,
dit is oonze tied

Zunnecremekussies...

Hier jow aosem heuren, 't roezen van de zee,
ha'k niet missen wilt, dit is van oons twee
Mooier dan ik zingen kan in een lied

Ik zol et liefst wel duzend foto's maeken
van jow, de zee, et strand en al die zaeken
Ik maek ze in mien heufd en raek ze nooit kwiet

Dit hadd' ik nooit docht, dat dit echt beston:
dat ik alle daegen opni'j verliefd wodden kon
op de zonne, op et strand en op de zee
op et zaand en op jow
en op jow

zunnecremekussies
Zaand op jow heufd
Et zoolt van de zee op jow huid
Jow zunnecremekussies smaeken naor meer,
geef mi'j gauw nog mar zoen tuut
Jow zunnecremekussies
Jow zunnecremekussies

tekst en meziek:
Jan Oosterhof